

四庫全書

經部

欽定四庫全書

經部

御製律呂正義後編卷六十二

詳校官閩學士管理樂部臣鄒夢

洗馬臣王坦修覆勘

總校官編修臣王燕緒

校對官待詔臣胡士震

謄錄監生臣祝雯

欽定四庫全書

御製律呂正義後編卷六十二

樂器考一

中和樂器

磨

鈔鐘

特磬

編鐘

編磬

樂器考

周禮典同凡為樂器以十有二律為之度數以十有二聲為之齊量前編考定中和韶樂亦恭詳矣
聖祖仁皇帝契合元音

躬親制作以成

昭代之盛不欲斥言前代之非是以古今同異之故不加深辨且八音既經考定凡屬樂器皆可準以類推故丹陛樂器以下亦未之及焉我

皇上道隆繼述學貫天人自


郊

廟朝廷以及宴饗四方之樂聲容節奏無不

親加釐正乃知器各有聲聲各有數度之以十二律齊
之以十二聲則古今雅俗同一揆也樂器之制爰
大備矣

麾

繪圖用百分之四



麾黃帛為之長五尺四寸六分七釐五毫為七倍半黃鐘之度濶一尺零七分八釐六毫為倍仲呂之度繡九曲雲龍上鑲藍帛長八寸一分為黃鐘九分之十繡紅日日中繡中和金篆字上繡三台星左北斗右南斗帛上雕龍寶蓋高五寸七分六釐為姑洗之度下雕山水座高三寸六分四釐五毫為半黃鐘之度皆用木漆金以殊杆懸之竿長八尺一寸為黃鐘九分之百徑一寸一分五釐二毫為姑洗十分之二上飾鍍金銅龍長一

尺零九分三釐五毫為黃鐘一倍有半龍首曲向前四寸六分零八毫為姑洗十分之八麾架高二尺五寸六分為五倍蕤賓之度濶一尺五寸三分六釐為三倍蕤賓之度漆以金

唐書禮樂志協律郎舉麾乃作樂

宋史樂志凡樂皆協律郎舉麾而後作偃麾而後止

遼史樂志設宮懸於殿廷舉麾位在第三重西階之上協律郎各入就舉麾位仗動協律郎舉麾大樂令令撞

黃鐘之鐘左右鐘皆應工人舉祝樂作

元史麾一製以絳繒長七尺畫升龍於上以塗金龍首
朱扛懸之樂長執之舉以作樂偃以止樂

明會典麾一硃紅漆木竿長一丈一尺飾以貼金銅龍
頭鐵鉤長一尺七寸下垂黃綺麾帶長一丈兩面繪青
龍并雲紋一升一降上下有彩繪雲板抹金銅釘鉸全
三才圖會周禮中車掌公車之政令木路前樊鵠纓建
大麾以田以封蕃國書曰左仗黃鉞右秉白旄以麾則

麾周人所建也後世協律郎執之以令樂工焉其制高
七尺干飾以龍首綴纁帛畫升龍於其上樂將作則舉
之止則偃之堂上則立於西階堂下則立於樂懸之前
按樂之用麾始見唐志歷代因之舉之而樂作偃
之而樂止故麾雖非樂器實樂器之綱

中和韶樂鐃鐘

謹按周禮春官鐃師注鐃如鐘而大樂器圖鐃鐘
十二各應律呂之音凡合樂以某律為宮則擊本
律之鐘以宣之孟子所謂金聲是也漢志古之神
瞽度律均鐘以律計倍半以為鐘口之徑及上下
之數而十二律備焉乾隆己卯冬於西江得古鐃
鐘當西師奏凱之時功成樂作式彰瑞應

上既為釐定其名正謠辨異復

詔樂部稽考仿鑄用備特懸

御製銘詞昭示無極昔我

聖祖仁皇帝審定元音得古尺九寸為今尺七寸二分九

釐以為黃鐘之長而八音制度悉協中和今遵用


七寸二分九釐之數參考本律倍半之法鑄就鑄

鐘於十二律呂之音自相應合蓋酌古準今允為

宮懸雅奏之定制焉謹識其高下大小之式如左

鑄鐘圖一

繪圖用三十分之一



鑄鐘第一圓聲應黃鐘之律兩欒高一尺八寸二分二釐中高一尺六寸二分兩銑相距一尺五寸一分八釐橫距一尺一寸三分九釐兩舞相距一尺一寸九分六釐橫距一尺零三分六釐甬長一尺零八分甬上衡徑三寸八分甬下徑四寸三分二釐旋徑四寸八分濶一寸四分四釐蟲長三寸零三釐濶一寸八分二釐厚一寸二分一釐蟲孔長一寸五分一釐濶一寸零一釐乳凡三十六高

一寸四分四釐鑄識處高九寸一分一釐上濶三寸零三釐下濶四寸零五釐

御製銘曰自古在昔功成作樂辨物涓吉鑄此鐘鐸

皇祖正音中和大備詎獨是遺或存

深意績底西旅瑞出西江考制象器協和萬邦一簾特懸
用起律首編鐘繼奏簫韶成九寬橫樂舞必考必精
慎遵

前憲敢或損增宣陽導陰立均出度萬事本根百王矩矱

繫余小子蒙業

重熙賴

天者定惟曰際時範器識年悉新已盛銘無溢辭惕乾懋

敬

乾隆御製 律名鑄鐘第一黃鐘大清乾隆二十有

六年歲在辛巳冬十一月乙未朔越六日庚子鑄

成

鑄鐘第二圓聲應大呂之律兩轡高一尺七寸零

六釐中高一尺五寸一分七釐兩銑相距一尺四寸二分二釐橫距一尺零六分六釐兩舞相距一尺二寸一分三釐橫距九寸七分甬長一尺零一分一釐甬上衡徑二寸六分六釐甬下徑四寸零四釐旋徑四寸四分九釐濶一寸三分四釐蟲長二寸八分四釐濶一寸七分厚一寸一分四釐蟲孔長一寸四分二釐濶九分四釐乳凡三十六高一寸三分四釐鑄識處高八寸五分三釐上濶二

寸八分四釐下濶三寸七分九釐

御製銘同前 律名鍾鐘第二大呂 年月同前

鍾鐘第三圓聲應太簇之律兩轆高一尺六寸二分中高一尺四寸四分兩銑相距一尺三寸五分橫距一尺零一分二釐兩舞相距一尺一寸五分二釐橫距九寸一分二釐甬長九寸六分甬上衡徑二寸五分三釐甬下徑三寸八分四釐旋徑四寸二分六釐濶一寸二分八釐蟲長二寸七分濶

一寸六分二釐厚一寸零八釐蟲孔長一寸三分
五釐濶九分乳凡三十六高一寸二分八釐鐫識
處高八寸一分上濶二寸七分下濶三寸六分

御製銘同前

律名鐫鐘第三太簇


年月同前

鐫鐘十二圓各按月律陳設凡簏簾有四簏簾之
高下視鐘體之大小以為差第一簏簾懸黃鐘大
呂太簇三鐘通高九尺二寸五分上簏兩頭雕龍
長五尺四寸高一尺一寸中簏長二尺七寸濶四

寸厚三寸八分簋上有葉雕刻雲龍左右兩簋高
五尺六寸五分濶四寸厚三寸八分簋下有趺高
一尺二寸五分濶一尺二寸長二尺四寸趺上有
垣高三寸垣內雕木為獅獅身出垣九寸五分兩
簋貫獅背入趺

鑄鐘圖二

繪圖用三十分之一



鑄鐘第四園聲應夾鐘之律兩樂高一尺五寸一分七釐中高一尺三寸四分八釐兩銑相距一尺二寸六分四釐橫距九寸四分八釐兩舞相距一尺零七分八釐橫距八寸六分三釐甬長八寸九分八釐甬上衡徑二寸三分七釐甬下徑三寸五分九釐旋徑三寸九分九釐濶一寸一分九釐蟲長二寸五分二釐濶一寸五分一釐厚一寸零一釐蟲孔長一寸二分六釐濶八分四釐乳凡三十

六高一寸一分九釐鑄識處高七寸五分八釐上
濶二寸五分二釐下濶三寸三分七釐

御製銘同前

律名鐃鐘第四夾鐘

年月同前

鐃鐘第五圜聲應姑洗之律兩轡高一尺四寸四分
中高一尺二寸八分兩銑相距一尺二寸橫距
九寸兩舞相距一尺零二分四釐橫距八寸一分
九釐甬長八寸五分三釐甬上衡徑二寸二分五
釐甬下徑三寸四分一釐旋徑三寸七分九釐濶

卷之十二
一寸一分三釐蟲長二寸四分濶一寸四分四釐
厚九分六釐蟲孔長一寸二分濶八分乳凡三十
六高一寸一分三釐鑄識處高七寸二分上濶二
寸四分下濶三寸二分

御製銘同前

律名鑄鐘第五姑洗

年月同年

鑄鐘第六圜聲應仲呂之律兩轆高一尺三寸四
分八釐中高一尺一寸九分八釐兩銑相距一尺
一寸二分三釐橫距八寸四分一釐兩舞相距九


寸五分八釐橫距七寸六分七釐甬長七寸九分
九釐甬上衡徑二寸一分甬下徑三寸一分九釐
旋徑三寸五分五釐濶一寸零六釐蟲長二寸二
分四釐濶一寸三分四釐厚八分九釐蟲孔長一
寸一分二釐濶七分四釐乳凡三十六高一寸零
六釐鐫識處高六寸七分四釐上濶二寸二分四
釐下濶二寸九分九釐

御製銘同前 律名鐫鐘第六仲呂 年月同前

第二簔簔懸夾鐘姑洗仲呂三鐘通高九尺二寸五分上簔兩頭雕龍長四尺七寸高一尺一寸中簔長二尺一寸濶三寸六分厚二寸八分簔上有業雕刻雲龍左右兩簔高六尺三寸五分濶三寸六分厚二寸八分簔下有趺高九寸濶一尺長二尺一寸趺上有垣高二寸五分垣內雕木為獅獅身出垣六寸五分兩簔貫獅背入趺几墊長二尺三寸濶一尺二寸高一尺三寸

鐘圖三

繪圖用三十分之一



鑄鐘第七圖聲應蕤賓之律兩轡高一尺二寸八分中高一尺一寸三分七釐兩銑相距一尺零六分六釐橫距七寸九分九釐兩舞相距九寸一分二釐橫距七寸二分八釐甬長七寸五分八釐甬上衡徑一寸九分九釐甬下徑三寸零三釐旋徑三寸三分七釐濶一寸零一釐蟲長二寸一分三釐濶一寸二分七釐厚八分五釐蟲孔長一寸零六釐濶七分一釐乳凡三十六高一寸零一釐鐫

識處高六寸四分上濶二寸一分三釐下濶二寸
八分四釐

御製銘同前

律名鑄鐘第七蕤賓

年月同前

鑄鐘第八圜聲應林鐘之律兩轆高一尺二寸一
分五釐中高一尺零八分兩銑相距一尺零一分
二釐橫距七寸五分九釐兩舞相距八寸六分四
釐橫距六寸九分一釐甬長七寸二分甬上衡徑
一寸八分九釐甬下徑二寸八分八釐旋徑三寸

二分濶九分六釐蟲長二寸零二釐濶一寸二分
一釐厚八分一釐蟲孔長一寸零一釐濶六分七
釐乳凡三十六高九分六釐鐫識處高六寸零七
釐上濶二寸零二釐下濶二寸七分

御製銘同前 律名鐫鐘第八林鐘

年月同前

鐫鐘第九圜聲應夷則之律兩轡高一尺一寸三
分七釐中高一尺零一分一釐兩銑相距九寸四
分八釐橫距七寸一分一釐兩舞相距八寸零九


釐橫距六寸四分七釐甬長六寸七分四釐甬上
衡徑一寸七分七釐甬下徑二寸六分九釐旋徑
二寸九分九釐濶八分九釐蟲長一寸八分九釐
濶一寸一分三釐厚七分五釐蟲孔長九分四釐
濶六分三釐乳凡三十六高八分九釐鐫識處高
五寸六分八釐上濶一寸八分九釐下濶二寸五
分二釐

御製銘同前 律名鐫鐘第九夷則 年月同前

第三簏簾懸蕤賓林鐘夷則三鐘通高九尺二寸
五分左右兩簏高六尺零五分濶三寸六分厚二
寸八分上簏中簏獅趺尺寸皆同二號几墊高一
尺六寸長三尺六寸六分濶二尺三寸

鑄鐘圖四

繪圖用三十分之一



鐘第十圖聲應南呂之律兩樂高一尺零八分
中高九寸六分兩銑相距九寸橫距六寸七分五
釐兩舞相距七寸六分八釐橫距六寸一分四釐
甬長六寸四分甬上衡徑一寸六分八釐甬下徑
二寸五分六釐旋徑二寸八分四釐濶八分五釐
蟲長一寸八分濶一寸零八釐厚七分二釐蟲孔
長九分濶六分乳凡三十六高八分五釐鐫識處
高五寸四分上濶一寸八分下濶二寸四分

御製銘同前

律名鐃鐘第十南呂

年月同前

鐃鐘第十一圓聲應無射之律兩轆高一尺零一分一釐中高八寸九分八釐兩銑相距八寸四分二釐橫距六寸二分二釐兩舞相距七寸一分九釐橫距五寸七分五釐甬長五寸九分九釐甬上衡徑一寸五分八釐甬下徑二寸三分九釐旋徑二寸六分六釐濶七分九釐蟲長一寸六分八釐濶一寸零一釐厚六分七釐蟲孔長八分四釐濶

五分六釐乳凡三十六高七分九釐鵠識處高五寸零五釐上濶一寸六分八釐下濶二寸二分四釐

御製銘同前 律名鐃鐘第十一無射

年月同前

鐃鐘第十二圓聲應應鐘之律兩欒高九寸六分中高八寸五分三釐兩銑相距七寸九分九釐橫距五寸九分九釐兩舞相距六寸八分二釐橫距五寸四分六釐甬長五寸六分八釐甬上衡徑一

寸四分九釐甬下徑二寸二分七釐旋徑二寸五分一釐濶七分五釐蟲長一寸五分九釐濶九分五釐厚六分六釐蟲孔長七分九釐濶五分三釐乳凡三十六高七分五釐錫識處高四寸八分上濶一寸六分下濶二寸一分三釐

御製銘同前 律名鐃鐘第十二應鐘

年月同前

第四簣簾懸南呂無射應鐘三鐘通高九尺二寸五分左右兩簣高五尺六寸五分濶三寸六分厚

二寸八分上簾中簾獅趺尺寸皆同三號几墊高
二尺長三尺六寸六分濶二尺三寸

自第二簾簾以下皆施几墊與第一簾簾高下齊
平簾簾皆飾以金獅飾以青龍頭啣五采流蘇各
五

中和韶樂特磬

謹按禮記明堂位叔之離磬爾雅大磬謂之鼗周禮注特磬十二依辰次陳之以應其方之律朱子云鐘磬有特懸者器大而聲宏故於起調畢曲之時擊之以為作止之節此皆言特磬即孟子所謂玉振是也考工記磬氏為磬倨句一矩有半其博為一股為二鼓為三後世磬制祖之茲當西域耆定和闐採玉豐博可叶鳴球臣工請依律琢為特

磬十二以儷搏鐘

上集廷議允行

御製銘詞鐫識其上猗歟盛矣今遵

聖祖仁皇帝御定編磬黃鐘之度分倍加以定黃鐘特磬


之制用三分損益之法而定以下之十一磬焉磬
之股鼓脩博仿考工記厚薄悉照

欽定律呂正義所載寸分十二磬成悉協律呂之音宮懸
合奏以備始終條理之全韶樂大成允昭美盛謹

識其脩廣厚薄之式如左

特磬圖一

繪圖用三十分之一



特磬第一聲應黃鐘之律股修一尺四寸五分八釐鼓修二尺一寸八分七釐股博一尺零九分三釐五毫鼓博七寸二分九釐厚七分二釐九毫

御製銘曰子輿有言金聲玉振一簾無雙九成遞進準今酌古既製鑄鐘磬不可闕條理始終和闡我疆玉山是矗依度採取以命磬叔審音協律咸備中和泗濱同拊其質則過圖經所傳浮嶽涇水誰誠見之鳴球允此法

天則地股二鼓三依我繹如獸舞鸞髯考樂惟時

乾禧

祖德翼翼繩承撫是萬國益凜保泰敢或伐功敬識歲吉

辛巳乾隆

乾隆御製 律名特磬第一黃鐘大清乾隆二十有

六年歲在辛巳冬十一月乙未朔越九日癸卯琢
成

特磬第二聲應大呂之呂股修一尺三寸六分五

釐二毫鼓修二尺零四分七釐八毫股博一尺零二分三釐九毫鼓博六寸八分二釐六毫厚七分六釐八毫

御製銘同前 律名特磬第二大呂 年月同前

特磬第三聲應太簇之律股修一尺二寸九分六釐鼓修一尺九寸四分四釐股博九寸七分二釐鼓博六寸四分八釐厚八分零九毫


御製銘同前 律名特磬第三太簇 年月同前

特磬十二枚各按月律陳設凡有四篳簹第一篳
簹懸黃鐘大呂太簇三磬第二篳簹懸夾鐘姑洗
仲呂三磬第三篳簹懸蕤賓林鐘夷則三磬第四
篳簹懸南呂無射應鐘三磬皆以黃絨紉繫之跌
飾卧鳧白羽朱喙篳鳳頭篳簹之高濶雕飾金彩
流蘇墊几與鐃鐘篳簹同

--	--	--	--	--	--	--	--

特磬圖二

繪圖用三十分之一



特磬第四聲應夾鐘之呂股修一尺二寸一分三釐六毫鼓修一尺八寸二分零四毫股博九寸一分零二毫鼓博六寸零六釐八毫厚八分六釐四毫

御製銘同前 律名特磬第四夾鐘 年月同前

特磬第五聲應姑洗之律股修一尺一寸五分二釐鼓修一尺七寸二分八釐股博八寸六分四釐鼓博五寸七分六釐厚九分一釐零二絲


御製銘同前 律名特磬第五姑洗 年月同前

特磬第六聲應仲呂之呂股修一尺零七分八釐
六毫鼓修一尺六寸一分七釐九毫股博八寸零
八釐九毫五絲鼓博五寸三分九釐三毫厚九分
七釐二毫

御製銘同前 律名特磬第六仲呂 年月同前

特磬圖三

繪圖用三十分之一



特磬第七聲應蕤賓之律股修一尺零二分四釐
鼓修一尺五寸三分六釐股博七寸六分八釐鼓
博五寸一分二釐厚一寸零二釐四毫

御製銘同前 律名特磬第七蕤賓 年月同前

特磬第八聲應林鐘之呂股修九寸七分二釐鼓
修一尺四寸五分八釐股博七寸二分九釐鼓博
四寸八分六釐厚一寸零六釐四毫


御製銘同前 律名特磬第八林鐘 年月同前

特磬第九聲應夷則之律股修九寸一分零二毫
鼓修一尺三寸六分五釐三毫股博六寸八分二
釐六毫五絲鼓博四寸五分五釐一毫厚一寸零
七釐八毫七絲

御製銘同前 律名特磬第九夷則 年月同前

特磬圖四

繪圖用三十分之一



特磬第十聲應南呂之呂股修八寸六分四釐鼓
修一尺二寸九分六釐股博六寸四分八釐鼓博
四寸三分二釐厚一寸一分五釐二毫

御製銘同前 律名特磬第十南呂 年月同前

特磬第十一聲應無射之律股修八寸零九釐鼓
修一尺二寸一分三釐五毫股博六寸零六釐七
毫五絲鼓博四寸零四釐五毫厚一寸二分一釐
三毫六絲


御製銘同前 律名特磬第十一無射 年月同前

特磬第十二聲應應鐘之呂股修七寸六分八釐
鼓脩一尺一寸五分二釐股博五寸七分六釐鼓
博三寸八分四釐厚一寸二分九釐六毫

御製銘同前 律名特磬第十二應鐘 年月同前

編鐘

繪圖用三十分之一



鐘式



繪圖用十分之四

編鐘十六枚為一虞陰陽各八以厚薄為次第薄者聲
濁厚者聲清故外形皆同一制高七寸四分四釐九毫
中徑七寸一分四釐六毫上下徑皆五寸零三釐九毫
其內高中徑上頂下口之度分與夫中室容積之多寡
實體之厚薄依次第遞減焉

倍夷則之鐘內高七寸三分一釐六毫七絲中徑六寸
八分八釐零一絲上頂下口內徑俱四寸七分七釐三
毫一絲中容積二百二十五寸一十六分七百五十五

釐八百四十毫體厚一分三釐三毫

倍南呂之鐘內高七寸三分零七毫七絲中徑六寸八分六釐二毫一絲上頂下口內徑俱四寸七分五釐五毫一絲中容積二百二十三寸四百六十分三百一十一釐六百八十毫體厚一分四釐二毫

倍無射之鐘內高七寸三分零一絲中徑六寸八分四釐六毫九絲上頂下口內徑俱四寸七分三釐九毫九絲中容積二百二十二寸一百五十分二百一十二釐

二百毫體厚一分四釐九毫六絲

倍應鐘之鐘內高七寸二分九釐二毫一絲中徑六寸八分三釐零九絲上頂下口內徑俱四寸七分二釐三毫九絲中容積二百二十寸七百七十分二十三釐四十毫體厚一分五釐七毫六絲

黃鐘之鐘內高七寸二分九釐中徑七寸八分二釐六毫六絲上頂下口內徑俱四寸七分一釐九毫六絲中容二二百二十寸三百九十分分二百一十一釐五百

二十毫體厚一分五釐九毫八絲

大呂之鐘內高七寸二分八釐一毫四絲中徑六寸八分零九毫五絲上頂下口內徑俱四寸七分零二毫五絲中容積二百一十八寸九百二十五分三百四十八釐四百八十毫體厚一分六釐八毫三絲

太簇之鐘內高七寸二分七厘二毫四絲中徑六寸七分九釐一毫四絲上頂下口內徑俱四寸六分八釐四毫四絲中容積二百一十七寸三百七十二分六百三

十六釐八百毫體厚一分七釐七毫三絲

夾鐘之鐘內高七寸二分六釐零四絲中徑六寸七分
六釐七毫四絲上頂下口內徑俱四寸六分六釐零四
絲中容積二百一十五寸二百九八九分三百七十七
釐九百二十毫體厚一分八釐九毫三絲

姑洗之鐘內高七寸二分五釐零二絲中徑六寸七分
四釐七毫一絲上頂下口內徑俱四寸六分四釐零一
絲中容積二百一十三寸五百五十分五百七十七釐

二百八十毫體厚一分九釐九毫五絲

仲呂之鐘內高七寸二分三釐六毫七絲中徑六寸七分二釐上頂下口內徑俱四寸六分一釐三毫中容容二百一十一寸二百一十五分九百一十一釐四十毫體厚二分一釐三毫

蕤賓之鐘內高七寸二分二釐五毫三絲中徑六寸六分九釐七毫二絲上頂下口內徑俱四寸五分九釐零二絲中容積二百零九寸二百五十分七百六十釐三

百二十毫體厚二分二釐四毫四絲

林鐘之鐘內高七寸二分一釐六毫五絲中徑六寸六分七釐九毫六絲上頂下口內徑俱四寸五分七釐二毫六絲中容積二百零七寸七百二十九分二百零八釐八百八十八毫體厚二分三釐三毫二絲

夷則之鐘內高七寸二分一釐三毫三絲中徑六寸六分七釐三毫二絲上頂下口內徑俱四寸五分六釐六毫二絲中容積二百零七寸一百八十分四百七十八

釐八十毫體厚二分三釐六毫四絲

南呂之鐘內高七寸一分九釐七毫二絲中徑六寸六分四釐一毫一絲上頂下口內徑俱四寸五分三釐四毫一絲中容積二百零四寸四百一十三分四百六十六釐二百四十毫體厚二分五釐二毫五絲

無射之鐘內高七寸一分八釐三毫七絲中徑六寸六分一釐四毫一絲上頂下口內徑俱四寸五分零七毫一絲中容積二百零二寸八十四分三百九十八釐七

百二十毫體厚二分二釐六毫

應鐘之鐘內高七寸一分六釐五毫七絲中徑六寸五分七釐八毫上頂下口內徑俱四寸四分七釐一毫中容積一百九十八寸九百七十一分五百一十釐四百毫厚二分八釐四毫

編鐘十六枚共縣一虞虞凡三篋

鐘架縱曰虞橫曰篋
篋有三層

通高

九尺飾以金上篋兩頭雕龍長一丈篋上施金鸞五中篋下篋俱長六尺四寸各縣鐘八枚中篋上有葉無齒

中濶八寸兩旁濶六寸繪五彩雲龍下龔上有葉葉有牙作水波狀濶三寸左右兩虞高六尺四寸虞下有跌長二尺四寸濶一尺高一尺跌上周圍有垣高三寸垣內雕木為獅飾以青獅首出垣七寸二分兩虞貫獅背入跌龔虞俱濶三寸六分厚二寸七分兩龍頭銜五彩流蘇各五

周禮春官小胥凡縣鐘磬半為堵全為肆鄭康成註曰鐘磬者編縣之二八十六枚而在一虞謂之堵鐘一堵

磬一堵謂之肆鄭司農云以春秋傳曰歌鐘二肆訂義
曰杜氏以鐘十六枚為一肆則堵者八枚矣此說然也
而鄭氏以各十六枚為一堵鐘一堵磬一堵為肆宜不
然春秋傳曰歌鐘二肆是三十有二枚矣故編鐘十有
六然後一簋之鐘全編磬十有六然後一簋之磬全一
簋之所垂者鐘磬各止於八然後謂之堵鄭氏以鐘一
簋磬一簋為肆其半者其或有鐘而無磬有磬而無鐘
乎其說固不通矣

磬師掌教擊編鐘鄭康成曰鐘有不編不編者鐘師擊之

鐘師掌金奏鄭康成註曰金奏擊金以爲奏樂之節金謂鐘及鐃賈公彥疏曰此即鐘師自擊不編之鐘凡作樂先擊鐘故鄭云奏樂之節

周禮冬官考工記鳧氏爲鐘兩樂謂之鈇鈇間謂之于
子上謂之鼓鼓上謂之鉦鉦上謂之舞舞上謂之甬甬
上謂之衡鐘縣謂之旋旋蟲謂之幹鐘帶謂之篆篆間

謂之枚枚謂之景于上之擁謂之隧十分其銑去二以
為鉦以其鉦為之銑間去二間以為之鼓間以其鼓間
為之舞修去二分以為舞廣以其鉦之長為之甬長以
其甬長為之圍參分其圍去一以為衡圍參分其甬長
二在上一在下以設其旋薄厚之所振動清濁之所由
出侈奄之所由興有說鐘已厚則石已薄則播侈則柞
弇則鬱長甬則震是故大鐘十分其鼓間以其一為之
厚小鐘十分其鉦間以其一為之厚鐘大而短則其聲

疾而短聞鐘小而長則其聲舒而遠聞為隧六分其厚以其一為之深而圜之

梓人職曰厚唇斧口出目短耳大胷耀後大體短脰若是者謂之羸屬恒有力而不能走其聲大而宏有力而不能走則於任重宜聲大而宏則於鐘宜若是者以為鐘簏

禮記樂記鐘聲鏗鏘以立號號以立橫橫以立武君子聽鐘聲則思武臣

明堂位垂之和鐘夏後氏之龍簋虞殷之崇牙周之璧
翼鄭康成註曰簋虞所以縣鐘磬也橫曰簠飾之以鱗
屬植曰虞飾之以羸屬羽屬

爾雅釋樂大鐘謂之鏞其中謂之剽小者謂之棧邢昺
疏曰此別鐘名之大小也李巡曰大鐘音聲大鏞大也
孫炎曰剽者聲輕疾也李巡曰其中微小故曰剽剽小
也其小者名棧棧淺也

國語單穆公曰先王之制鐘也大不出鈞重不過石律

度衡量於是乎生小大器用於是乎出伶州鳩曰鐘尚羽

呂氏春秋黃帝命伶倫與榮將鑄十二鐘以和陰陽之聲

白虎通鐘之爲言動也陰氣用事萬物動成鐘爲氣用金聲也

說文鐘秋分之音物種成

風俗通謹案世本垂作鐘秋分之音也

釋名鐘室也內室受氣多故聲大也

廣雅倭氏鐘十六枚倭舜臣

隋書音樂志金之屬二一曰鐸鐘每縣鐘一簣簣各應律呂之音即黃帝所命伶倫鑄十二鐘和五音者也二曰編鐘小鐘也各應律呂大小以次編而懸之上下皆八合十六鐘懸一簣簣

通典鳧氏為鐘以律計自倍半半者准半正聲之半以為十二子律制為十二子聲比正聲為倍則以正聲於

子聲為倍以正聲比子聲則子聲為半

三禮圖編鐘十六枚同在一簣簋

陳暘樂書十二辰鐘典同凡為樂器以十有二律為之
度數單穆公曰先王之制鐘也大不出鈞重不過石律
度量衡于是乎生則樂器待律然後制而律度又待鐘
然後生故有十二辰之鐘以應十二月之律十二辰之
鐘大鐘也大鐘特懸詩書爾雅所謂鏞是也非十二辰
之鐘則編焉周禮所謂編鐘是也 鐘磬編懸不過十

二古之制也漢服虔以十二鐘當十二辰更加七律一縣為十九鐘隋牛宏論後周鐘磬之縣長孫紹援國語書傳七律七始之制合正倍為十四梁武帝又加濁倍三七為二十一後魏公孫崇又參縣之合正倍為二十四至唐分大小二調兼用十六二十四枚之法皆藏於二變四清之說非聖經之意也

宋史樂志范鎮論鐘曰臣所鑄鐘十二枚皆從其律之長故鐘口十者其長十六以為鐘之身鉦者正也居鐘

之中上下皆八下去二以為之鼓上去二以為之舞則
鉦居四而鼓與舞皆六是故于鼓鉦舞篆景樂隧甬衡
旋蟲鐘之文也著於外者也廣長空徑厚薄大小鐘之
數也起于內者也若夫金錫之齊與鑄金之狀率案諸
經差之毫釐則聲有高下不可不審其鑄鐘亦以此法
而四倍之今太常鐘無大小無厚薄無金齊一以黃鐘
為率而磨以取律之合故黃鐘最薄而輕自大呂以降
迭加重厚是以卑凌尊以小加大其可乎

元史樂志登歌編鐘一簋鐘十有六範金為之筍簋皆
雕繪樹羽塗金雙鳳五中列博山崇牙十有六縣以紅
絨組簋趺青龍藉地以綠油卧梯二加兩跗焉筍兩端
金螭首銜鉤石壁翬五色銷金流蘇條以紅絨維之鐵
棧者四所以備歌側在太室以礪地甃因易以石麟簋
額識以金飾篆字擊鐘者以茱萸木為之合竹為柄
明會典編鐘二架鐘以銅為之十六枚應十二律四清
聲設於硃紅漆筍簋筍橫簋上飾以鱗屬為貼金木龍

頭二各垂流蘇五并帔鍔即周之璧翬遺制鐘簴則植
二柱以設筍飾以羸屬為二獅子於趺上筍之上有葉
有崇牙大板謂之葉刻為山形若鋸齒掇葉然其上大
板繪雲文崇牙以懸鐘筍上列植羽為木雕彩鸞五
續文獻通考明製黃鐘式正音八口一黃鐘之鐘重十
二觔中高七寸八分旁高八寸四分口徑五寸口橫七
寸上徑四寸一分上橫五寸二分梁高二寸四分一太
簇重九觔七兩高六寸六分口徑四寸九分口橫五寸

六分上徑四寸七分上橫五寸一分梁高一寸四分一
姑洗重十觔八兩高六寸八分口徑四寸口橫五寸七
分上徑四寸二分上橫四寸八分梁高一寸四分一仲
呂重十一觔高六寸九分口徑五寸口橫五寸六分上
徑三寸八分上橫四寸五分梁高一寸五分一林鐘重
九觔高六寸八分口徑四寸五分口橫四寸七分上徑
四寸二分上橫四寸八分梁高一寸六分一南呂重十
一觔高六寸九分口徑四寸九分口橫五寸八分上徑

四寸一分上橫四寸八分梁高一寸八分一黃鐘清重
十一觔八兩高七寸口徑四寸六分口橫五寸八分上
徑四寸二分梁高一寸七分一大呂清重十三斤八兩
高七寸口徑四寸八分口橫五寸六分上徑四寸五分
上橫四寸八分梁高二寸一分又取四清聲各加鐘聲
以四是為鐘十六

律呂精義曰嘗考律呂之制自黃鐘九寸等而下之至
應鐘四寸七分用以合陰陽之數至于為鐘小大増益

悉考于律故聲皆協應而不乖此鐘數雖未備然其形之高下遞殺以小蓋亦取于律也彼禮圖編鐘類皆一等未嘗參差如此蓋以厚薄取聲而不知先王以律為本也

案金冠八音而鐘統金奏自垂作鐘後數千年中造者說者紛紛矣綜而考之有仍其舊而不待辨者有悖于古而不得不辨者蓋鐘有鐘之名鐘有鐘之度鐘有鐘之衡鐘有鐘之懸鐘有鐘之節此

五者皆舊制相仍而無待致辨者也鐘有鐘之制
鐘有鐘之度鐘有鐘之數此三者紛紛辨駁多戾
乎古乃不得不辨者也曰鑪曰剽曰棧曰鑄名其
大小也曰鑪曰銑曰于曰舞曰鉦曰舞名其體也
曰甬曰衡名其柄也曰篆曰枚曰景名其飾也曰
隧名其受擊之處也曰編曰鋪曰和名其用也此
所謂鐘之名也考工記鳧氏為鐘賈公彥謂以律
計自倍半倍九寸為尺有八寸又取半得四寸半

通二尺二寸半以為鐘餘律亦如之周單穆公云
大不出鈞重不過石通典亦云半者准半正聲之
半以為十二子律制為十二子聲比正聲為半是
故厚而不石薄而不播侈而不杵弇而不鬱長而
而不震此鐘之度也若旋若幹所以懸也植者橫
者懸之具也為崇牙為璧翬懸之飾也此鐘之懸
也周禮鐘師掌金奏鄭康成註謂擊金以為奏樂
之節賈公彥疏曰凡作樂先擊鐘孟子曰金聲而

玉振之也又曰金聲也者始條理也此鐘之節也至其輕重之衡則上編所載極詳無容贅此皆所謂仍乎舊而無容致辨者也若夫悖乎古而不得不辨者鐘生於律律各為鐘律有長短則鐘有大小乃鐘之為制也叩之而聲有大小之辨望之而體無大小之殊蓋鐘之外體大小皆同同則惟視其中空之寬狹而容積之實分焉即視其容積之多寡而大小之聲出焉如黃鐘之體最薄則中空

寬而容積多其聲必濁而大也如應鐘之體最厚則中空狹而容積少其聲必清而小也考工記曰薄厚之所震動清濁之所由出蓋惟其外體之大小皆同是以因內容之多寡而生厚薄之異若大小異則轉致厚薄之同矣乃宋之范鎮則謂鑄鐘十二各從其律之長又謂以黃鐘為準而磨以取律之合黃鐘最薄而輕自大呂以降迭加重厚是以卑凌尊以小加大也是不惟昧于制鐘之法抑

亦不知律呂之道矣上編之言曰鐘法與律呂同
理鐘之外體宜同猶律呂管徑之相同也旨哉言
乎蓋律呂惟徑之同也故得於長短中施其損益
之數鐘制惟體之同也故得于厚薄中等其高下
之聲倘管之長者徑大而短者徑小則十二律反
為比例而無分倘鐘之厚者體大而薄者體小則
十二鐘反為同聲而相混鎮欲別尊卑分大小而
不知適混尊卑大小于無別也可乎此鐘制之不

得不辨者也鐘之為數也周禮春官凡懸鐘磬半
為堵全為肆鄭康成註二八十六枚而在一虞謂
之堵鐘一堵磬一堵謂之肆鄭衆亦引春秋傳曰
歌鐘二肆廣雅云倭氏鐘十六枚是鐘之有十六
也明矣乃宋陳暘獨謂鐘磬編懸古鐘不過十二
而博引服虔之十九鐘牛宏之十四鐘梁武之二
十一鐘公孫崇之二十四鐘及唐之兼用十六鐘
與二十四鐘之制蓋暘素不信四清二變之說故

其言如此抑知鐘本乎律故古人命鐘為黃鐘又命律為鐘律彼十二律加四清聲十六律也十二律加四倍聲亦十六律也而鐘獨有異乎且黃帝斷竹為十二管即鑄金為十二鐘十二管已為十六管矣而十二鐘獨不可為十二鐘乎故陰陽二均各具其八所懸者八所用者七隋書樂志亦云編鐘上下皆八合十六鐘懸一簏簏是鐘有十六也三禮圖亦云編鐘十六枚共在一簏簏是又鐘


有十六也下至元明二史一則曰編鐘一虞鐘有
十六範金為之一則曰鐘以銅為之十六枚應十
二律四清聲則是十六鐘之遺制尚存于冊府而
未墜者此又鐘數之不得不辨者也若夫鐘之為
式也有扁有圓有甬有攬有上下弇侈之不齊要
之當如上編之言一歸于圓體為是蓋圓有渾成
之義以渾元為鐘體則有以涵至德之光蘊四氣
之和而後象天象地象四時象風雨者無不胚胎

於此則圓之為義深也且五行之為形也木之形直火之形銳土之形方水之形曲而金之形則圓以圓為鐘此又金德之稟乎二氣而協夫天然者昔人紛紛改作工日變而器日新而不知其昧乎一元之理違乎五行之性也此又鐘式之不可不辨者也今明代扁圓之鐘具在與本朝之鐘並奏其律之中否惟審音者辨之若其聲之優劣則有耳共聞也至續文獻通考所載明代鐘制今與所

存之鐘相校唯徑口橫口之說合其言輕重尺寸
全不相符蓋鐘藏內府人不得見儒生信耳而率
筆記載往往如斯此古人定制所以混淆而不可
方物也近明且然況前古乎


編磬

繪圖用三十分之一



磬律分

繪圖用四分之一



編磬十六枚以靈璧石或碧玉為之長濶皆同一制股長七寸二分九釐博五寸四分六釐七豪五絲鼓長一尺零九分三釐五毫博三寸六分四釐五毫其厚薄則有損益應律與鐘同倍夷則之磬厚六分零六毫八絲倍南呂之磬厚六分四釐八毫倍無射之磬厚六分八釐二毫六絲倍應鐘之磬厚七分一釐九毫一絲黃鐘之磬厚七分二釐九毫大呂之磬厚七分六釐八毫太簇之磬厚八分零九毫夾鐘之磬厚八分六釐四毫姑

洗之磬厚九分一釐零二絲仲呂之磬厚九分七釐二毫蕤賓之磬厚一寸零二釐四毫林鐘之磬厚一寸零六釐四毫夷則之磬厚一寸零七釐八毫七絲南呂之磬厚一寸一分五釐二毫無射之磬厚一寸二分一釐三毫六絲應鐘之磬厚一寸二分九釐六毫兩面繪金雲龍中心開孔以黃絨糾繫之十六枚共懸一簏虞虞跌飾以卧鳧白羽朱喙藉地水文篋首鳳頭上樹金鳳五上板雕彩鳳餘與鐘簏同

書益稷夔曰夏擊鳴球蔡沈集傳鳴球玉磬名也

夔曰於予擊石拊石蔡沈集傳重擊曰擊輕擊曰拊石
磬也有大磬有編磬有歌磬磬有大小故擊有輕重八
音獨言石者蓋石音屬角最難諧和石聲既和則金絲
竹匏土草木之聲無不和者矣

禹貢徐州泗濱浮磬蔡沈集傳泗水名濱水旁也浮磬
石露水濱若浮於水然或曰非也泗濱非必水中泗水
之旁近浮者石浮生土中不掩著者也今下邳有石磬

山或以為古取磬之地陳氏曰石輕浮可為磬磬聲清越取輕浮者良今海濱亦有浮石

豫州錫貢磬錯蔡沈集傳治磬之錯也

梁州厥貢璆鐵銀鏤砮磬蔡沈集傳璆玉磬砮石磬也林氏曰徐州貢浮磬此州既貢玉磬又貢石磬豫州又貢磬錯則知當時樂器磬最為重豈非以其聲角而在清濁小大之間最難得其和者哉

詩商頌既和且平依我磬聲朱子集傳磬玉磬也堂上

升歌之樂非石磬也張子曰玉磬聲之最和平者可以養心其聲一定始終如一無隆殺也

小雅笙磬同音朱子集傳磬樂器以石為之琴瑟在堂笙磬在下

儀禮大射儀樂人宿縣于阼階東笙磬西面西階之西頌磬東面鄭康成註笙生也東為陽中萬物以生是以東方鐘磬謂之笙成功曰頌西為陰中萬物之所成是以西方鐘磬謂之頌皆編而縣之

周禮春官小胥凡縣鐘磬半為堵全為肆鄭康成註鐘磬者編縣之二八十六枚而在一虞

眡瞭掌凡樂事擊頌磬笙磬鄭康成註磬在東方曰笙笙生也在西方曰頌頌或作鏞鏞功也

磬師掌教擊磬賈公彥疏經云擊磬不言編則擊無不編故不言編

冬官考工記磬氏為磬倨句一矩有半其博為一股為二鼓為三叅分其股博去一以為鼓博參分其鼓博以

其一為之厚已上則摩其旁已下則摩其端鄭康成註
必先度一矩為句一矩為股而求其弦既而以一矩有
半觸其弦則磬之倨句也磬之制有大小此假矩以定
倨句非用其度耳博謂股博也博廣也鄭司農云股磬
之上大者鼓其下小者所當擊者也元謂鼓外面鼓內
面也假令磬股廣四寸半者股長九寸也鼓廣三寸長
尺三寸半厚一寸磬聲太上聲清也薄而廣則濁太下
聲濁也短而厚則清賈公彥疏鄭云一矩為句據上曲

者一矩為股據下直者弦謂兩頭相望者假令句股各一尺今以一尺五寸觸兩弦其句股之形即磬之倨句折般也云磬之制有大小者按樂經云磬前長三律二尺七寸後長二律尺八寸是磬有大小之制也云此假矩以定倨句非用其度耳者謂倨句各一矩并一矩有半皆假設言之以定倨句及其作磬非用此度自依律長短為之也鄭知博是股廣在上者以其下又因此博而云股為二明此博即股廣也云一二三者亦假一二

三而為長短廣狹故不言尺寸也先鄭云股磬之上大者鼓其下小者以其鼓面廣鼓面狹故以大小而言也元謂股外面也者以其在上故以為外鼓內面也者以其在下故以為內言假令者經直言一二三不定尺寸是假設言之也若定尺寸自當依律為短長也以四寸半為法者直取從此以下為易計非實法也凡樂器厚則聲清薄則聲濁今太上是聲清故摩使薄薄而廣則濁也聲濁由薄薄不可使厚故摩使短短則形小形小

則厚厚則聲清也宋林希逸考工記解載趙溥曰作磬依律長短前長三律二尺七寸後長二律一尺八寸此是黃鐘特垂之磬其他磬皆依律起度倨句一矩有半者謂股與鼓兩處分為兩矩一矩為句一矩為倨註作股字恐錯兩處既分作兩矩却於磬垂下兩角處中間放彎折共要一矩有半比上邊倨句處減半矩據此數是減四分之一此謂一矩有半也以尺寸論之上邊倨句處共四尺五寸則此下邊兩弦之間恰有三尺三寸

七分半然所以必要一矩有半者蓋此磬體要半折不
要帶方折如一矩有半恰好若過此數則太過於直不
及此數又忒彎曲圖謂股廣短鼓狹長以長掩短則鼓
長於股者半矩是倨得一矩有半也以廣掩扶則股廣
於鼓者亦半矩是句亦得一矩有半也此倨句各得一
矩有半之意為一為二為三是分作三節算分數博為
一謂股濶廣一律計九寸股為二謂股長二律計尺八
鼓為三謂鼓長三律計二尺七寸三分股博去一為鼓

博則鼓廣六寸三分鼓博以一為厚則通上下其厚二寸此黃鐘磬餘皆以律準數

梓人職曰銳喙決吻數目顧脰小體騫腹若是者謂之羽屬恒無力而輕其聲清陽而遠聞無力而輕則於任輕宜其聲清陽而遠聞於磬宜若是者以為磬虞故擊其所縣而由其虞鳴

禮記明堂位叔之離磬鄭康成註世本作無句作磬孔頴達疏叔之離磬者叔之所作編離之磬言懸磬之時

其磬希疏相離云無句作磬者皇氏云無句叔之別名
義或然也陳澔集說樂記石聲磬磬以立辨辨者離之
音也故謂之離磬

樂記石聲磬磬以立辨鄭康成註石聲磬磬當為磬字
之誤也辨謂分明於節

爾雅大磬謂之磬邢昺疏磬樂器名也以玉石為之孫
炎云磬喬也喬高也謂其聲高也李巡云大磬聲清燥
也故曰磬磬燥也

國語石尚角韋昭註石磬也輕於鐘故尚角角清濁之
中

山海經鳥危之山其陽多磬石小華之山其陰多磬石
前漢書禮樂志成帝時犍為郡於水濱得古磬十六枚
白虎通磬者夷則之氣也象萬物之盛也其氣磬故曰
磬有貴賤焉有親疎焉有長幼焉朝廷之禮貴不讓賤
所以有尊卑也鄉黨之禮長不讓幼所以明有年也宗
廟之禮親不讓疎所以有親也此三有行然後王道得

王道得然後萬物成天下樂用磬也

說文磬樂名也從石殸象懸虞之形殸擊之也

釋名磬磬也其磬磬磬然堅緻也

廣雅母句氏磬十六枚母句堯臣也

隋書音樂志石之屬一曰磬用玉若石為之懸如編鐘之法

通典凡磬天地之神用石宗廟及殿庭用玉

唐書禮樂志文宗詔太常卿馮定製雲韶樂有玉磬四

虞內宴乃奏

宋阮逸胡瑗皇祐新樂圖記謹詳經典及歷代之制磬
虞及趺並當用羽自聶崇義三禮圖磬虞鐘虞皆為虎
形乞下太常遇修換磬虞因而正之庶合古法

陳暘樂書小胥凡縣鐘磬半為堵全為肆鄭康成謂編
縣之十六枚同在一簾謂之堵鐘磬各一堵謂之肆禮
圖取其倍八音之數而因之是不知鐘磬特八音之二
者爾謂之取其數可乎典同凡為樂器以十有二律為

之數度以十有二聲為之齊量則編鐘編磬不過十二耳謂之十六可乎漢成帝時於犍水濱得石磬十六未必非成帝之前工師附益四清而為之非古制也康成之說得非因此而誤歟

宋史樂志皇祐三年十二月召兩府及侍臣觀新樂於紫宸殿特磬十二黃鐘大呂股長二尺博一尺鼓三尺博六寸九分寸之六弦三尺七寸九分大蕤以下股長尺八寸博九寸鼓二尺七寸博六寸弦三尺三寸七分

半其聲各中本律黃鐘厚二寸一分大呂以下遞加其厚至應鐘厚三寸五分詔以其圖送中書議者以為磬氏為磬倨句一矩有半博為一股為二鼓為三參分其股博去其一以為鼓博參分其鼓博以其一為之厚今磬無薄厚無長短非也 五年四月知制誥王洙奏言鐘磬依律數為大小經典無正文惟鄭康成立意言之亦自言假設之法孔穎達作疏因而述之據歷代史籍亦無鐘磬依數大小之說康成穎達既非身曾制作樂

器至如言磬前長三律二尺七寸後長二律一尺八寸
是磬有大小者據此以黃鐘為律臣曾依此法造黃鐘
特磬者正得林鐘律聲今參酌制度且各依律數算定
長短大小之數鑄大呂應鐘鐘磬各一即見形制聲韻
所歸奏可 五月翰林學士承旨王拱辰言竊緣律有
長短磬有大小今十二鐘磬一以黃鐘為率與古為異
臣等亦嘗詢逸瑗等皆言依律大小則聲不能諧故臣
竊有疑請下詳定大樂所更稽古義參定之 元祐三

年范鎮樂成作為八論其論磬曰臣所造編磬皆以周
官磬氏為法若黃鐘股之博四寸五分股九寸鼓一尺
三寸五分鼓之博三寸而其厚一寸其弦一尺三寸五
分十二磬各以其律之長而三分損益之此其率也今
之十二磬長短厚薄皆不以律而欲求其聲不亦遠乎
文獻通考天寶中廢泗濱浮磬用華原石代之詢諸磬
人則曰故老云泗濱磬下得華原石乃和

元史樂志編磬一虞磬有十六石為之縣以黃絨紉虞

附狻猊拊磬者以牛角為之餘筍虞崇牙樹羽壁翬流
蘇之制並與鐘同元初磬亦宋金舊器至元中始采泗
濱靈壁石為之

明會典中和韶樂制度編磬二架磬以石為之十六枚
應律如鐘筍飾以羽屬為貼金木鳳頭二虞亦飾以羽
屬若鶩狀二於其趺餘並如編鐘筍虞制

續文獻通考明制磬式黃鐘天長九寸濶四寸九分中
濶五寸九分地長一尺三寸濶三寸六分厚九分大呂

以下遞增其厚至清夾鐘厚二寸二分

案磬以厚薄分清濁與鐘制同其長短廣狹之度則周禮考工記言之詳矣顧其所謂倨句一矩有半者鄭康成謂先度一矩為句一矩為股而求其弦既而以一矩有半觸其弦則磬之倨句也今依其法求之句股各一矩者其弦為一矩又百分矩之四十一枚之一矩有半以百分之九蓋句股之角為直角九十度其弦即方之斜比一矩有半為

少則磬之倨句必大於直角而為鈍角趙溥所謂
磬體要半折不帶方折者是已然考之前代舊
磬其角比是尤大又依周髀法一矩為九十度則
一矩有半當為一百三十五度而前代舊磬又比
是角為小皆與一矩有半不合又其所謂博一股
二鼓三參分其股博去一以為鼓博者鄭康成謂
博為股博假令股廣四寸半者股長九寸鼓廣三
寸長尺三寸半唐宋諸儒並宗之今考前代舊磬

股二鼓三近是而股博則大於股之半鼓博之於
股博又不啻三之二亦與磬氏之文不符前編乃
以一矩有半為即下文股二鼓三而以股博為鼓
之半蓋書不盡言考諸文不若徵諸器故準今稽
古以取其度數之合而長短廣狹則參之厚薄以
為定也且考工記云參分其鼓博以其一為之厚
亦未言其清濁適當何律宋王洙云曾依此法以
黃鐘為律造黃鐘特磬正得林鐘律聲今依其法

設股博為今尺黃鐘半度三寸六分四釐五毫則
股長為七寸二分九釐鼓長為一尺零九分三釐
五毫鼓廣為二寸四分三釐厚為八分一釐校之
今制黃鐘之磬狹而厚其聲當高則王洙之言誠
是蓋考工記所謂參分其鼓博以其一為之厚者
亦第舉其大略而言而其聲之清濁則惟在摩之
厚薄以求應律而已宋皇祐新樂十二鐘磬一以
黃鐘為率大呂以下遞加其厚阮逸胡瑗言依律

大小則聲不能諧王洙亦云鐘磬依律數為大小
經典無正文惟鄭康成立意言之亦自言假設之
法歷代史籍亦無依律大小之說今考磬石之文
長短廣狹皆同一制而其取聲之法則曰已上則
摩其旁已下則摩其端蓋磬之為制惟大小同故
因厚薄而生清濁之異則阮逸胡瑗王洙之說皆
是而當時中書之議范鎮之制為非鄭康成謂磬
有大小亦或以笙磬頌磬大小不同未嘗明言編

磬十六枚各依八分爲大小也我

聖祖仁皇帝考定磬制厚薄之度先定黃鐘之磬審其音
應黃鐘之律爲黃鐘正聲量其厚得黃鐘十分之
一又倍其厚制一磬審其音亦應黃鐘之律爲黃
鐘子聲於是依鐘制三分損益之法製十六磬皆
與律呂相協蓋先以耳齊其聲而後以數定其度
既以數定其度而製令成器復以耳齊其聲此制
作之精妙所以既和且平而八音克諧也明代

園丘磬用玉康熙五十二年製造樂器

祈穀壇亦用玉餘俱用靈璧石周禮篥飾以鱗今則鐘篥以龍而磬篥以鳳葉亦如之大抵我朝樂制多因前明之舊而聲音度數之精則我

聖祖仁皇帝所獨得也今明代舊磬尚存固不可與今制同日而語而續文獻通考所載明代磬制又全與所存之磬不同蓋記載失實往往如此至於磬數必十六枚陳暘謂古制不過十二義與鐘同無庸

辨矣

御製律呂正義後編卷六十二